

عثمانی ترقی و اتحاد جمعیتنه  
وغزته لرینه متعلق بالجملة معاملات  
ایچون محل مراجعت :

Comité Ottoman d' Union  
et de Progrès

25, Rue Bonaparte, Paris

# شورای امت

« شورای امت » آیده ایکی دفعه

نشر اولونور

سنهک آبونہ سی ۴۵ غروشدور.

فرانسجه « مشورت » شیمدیلک

آیده بر دفعه نشر اولونور.

سنهک آبونہ سی ۵ فرانقدر.

« و امرهم شوری بینهم »

بشچی سنه - نومرو ۱۰۰

عثمانی ترقی و اتحاد جمعیتک واسطه نشریاتیدر.

۱۵ ایلول ۱۹۰۶

## عبد الحمید خسته لئی

وراثت سلطنت

عبد الحمید آخیر خسته. بر آدمک خسته لغندن شفا بولق، اولومندن جانلامق شبهه بوق که حس عالی انسانیته مغایر در. فقط عبد الحمید سویلمسی مدھش اوتوز سنه، اوت اوتوز سنه بر صورت اداره، بر اصول حکومت اتخاذ ایتدی که انک نتایجندن اوله رق بو کون اولومی وطنک حیاتیدر؛ ملتک نجاتیدر. مظلومین حربتک اعاده عمری، سلطنت عثمانیه نك امید شوکتیدر. عبد الحمیدک اولومندن صوکره سلطنت عثمانیه، عظیم و مخرب بر زلزله نك دوردینی زمانکی حاله بکزه بهجک. فقط بوراده موضوع بحث ایچک استدی کز فردک ممت دکل خسته لقدر. بو کون عبد الحمیدک خسته لئی بر حقیقت مطلقه در. او حالده کیم حکومت ایدیور؟ ارادلری کیم چیقاریور؟ خفیه ژورناللری کیم آلیبور، حکمی کیم اجرا ایدیور؟ بوتون بر وطنک، بوتون بر ملتک مسئولیتی اوزرینه آلان کیمدر؟ عبد الحمید ظلم، مخرب، خائن ایدی فقط بر پادشاه نامنه حکومت ایدیوردی؟ چونکه خاندان سلطنتدن ایدی؟ بو کون بو پادشاه ناهنی آله رق حکومت ایدن بیلدیز-ده کی ماینجیلری؟ باب عالیده کی وکلای؟ اکر بزده بر مات مجلسی اولسه ایدی و باب عالی نك اسکی حکم و اقتداری بولسه ایدی او زمان، غزته لرله خاقه اعلان حقیقت ایدیلرک، پادشاه بر از راحتسزدر دینایر و پادشاه مدت مدیده خسته بیله اولسه دولجه اتخاذ اولمش اصول حکومت ایچانجه اداره امور ایدمک طبیی اولور ایدی. حالبوکه بوتون دنیانک معلومی اولدینی اوزره یکریمی بش سنه در بزده اصول حکومت، طرز اداره، مسلک سیاست، امور عدلیه، اداره عسکریه تمامیه عبد الحمیدک شخصندن عبارتدر. بو شخص ایسه بو کون سلامق رسمنه چیقامیه حق قدر خسته. او حالده بو شخصک برینه کلن و یا خود عبد الحمیدک شخصنده مجتمع قوای خائنه و مخزبه بی انه آلان واستعمال ایدن کیمدر؟ عبد الحمید فصل حکومت ایدیوردی؟ یکریمی سکز، سنه در پایتختک بر طرفنه چیقامیه رق، اطرافنی

اوتوز بیک عسکره صادر اراق، هان هر کون یوزلرجه مظلومینی نفی ایدرک و الحاصل قیارق، اورارق، اولدیردک حکومت ایلوردی. کندیسسی خسته دوشنجه بو طرز حکومتی اجرا ایدلری بیامک ایسترز.

خسته مکان سلطان عبدالعزیز اوروپا به سیاحتیه چیقدینی زمان اداره حکومتی عالی پاشایه باب عالی به بر اقسدی. فقط بر اقدینی قوه حکومت مملکتک تکمیل دونمائی محو دکل وجوده کتورمش؛ حیات ملندن اولان انتظام عسکرینی بر یشان دکل احیا ایلمش ایدی. عبد الحمیدک حکومتی کبی دوش مسئولیتنه بیکار چه منفی، یوز بیکار چه مقتول یوقدی. بوتون دنیایه صورارز؟ کیم انکاره مقتدر اوله بیلیرکه عبد الحمیدک حکومتنه خیانتدن، جنایتدن باشقه جنت ده یوقدی؟ او حالده بو حکومت مجنونانه کی اداره و کیم ادامه ایدیور؟ دنیانک معلومی اولدینی اوزره بزده حکومت عبد الحمیدک شخصندن عبارت ایدی. بو کون او شخص سراینک قابولستک اوکنده کی جامعه آراهه ایله کیده میه جک قادر خسته. دیمک حکومت حاضره حکمدن تمامیه ساقط اولدی. او حالده بو کون دولت علیه اداره سز، کیمسه سز، حکومت سزدر. تاریخ عالمده و بالخاصه یکرمنجی عصرده دنیانک که مهم موقعنده بویه بر دولت کورلمشیدر؟ عجباً اوروپا یلیر بویه بر دولته مناسباتی قبول ایده. جکارمی؟ یوقسه دولت عثمانیه شاهلی، آفریبوزلی بر ایکی سرسری حیدودله بر قاچ جاسوسک تحت اداره سنه می کچدی؟

توجه ملت عثمانیه سلطنتی، ناموسنی، حیاتی خائن عزته، خیرسز راغبه، خفیه قدری به تسلیم و امانت ایده جک در که لره دوشدیه امین اولسون که یقینه آق دکز اطلرینی یونان، استانبولی بلغار استیلاسی آنتنده کورر.

عبد الحمیدک خسته لئی کسب و خامت ایده رک حیاتی تهدیدو تحدید ایدنجه اوروپا و وراثت سلطنتدن بخلر ایدیلرک بعضیسی غریب، بعضیسی محق بر طاق افکار متخالفه کورلیدی. حتی (ژورنال) کبی بعض غزته لر: « عبد الحمید اولورسه وراثت سلطنت مسئله سی میدانه چیقارق ترکیه ده بر فترت وجوده کلیر،

دولتله مداخله به مجبور اولورده بر اوروپا معارضه. سنه سبیت ویرایر « بهانه سیله عبد الحمیدک بقای حیاتی تمنی ایتدیلر. بز اولی بیایدک. شیمدی اعتراف لرله تبین ایتدی که اوروپا رهبر سیاستلری غرض و تمصب، محک اتوال و افعالری و معبود یکنه لری پاره اولان بر قسم، عبد الحمید تحت عثمانیه بولسون، اورسون، قیرسون، قتل عام لر ترتیب ایلسون، اونلرده عثمانیلرک، مسلمانلرک پادشاهلری قالی قاتلدر، کندیلری ده حسیات انسانیه دن محروم اولدق لری ایچون بویه قاتل بر پادشاهی قبول ایدیور لر دیهرک ممالک عثمانیه پارچه لسون، یغما ایدلسون؛ استیور لر.

عبد الحمیدک وفاتیه وراثت سلطنت مسئله سی بادی فترت اولق شویله طورسون موضوع بحث بیله ایدیله سز. بز عصر لر دینبری شریعت اسلامیه وانک متمماتندن اولان اخلاق عثمانیه اوزرینه مؤسس قوانینی، نظاماتی، اصولی اولان الی یوز سنهک بر دولتر. هنوز اصول و نظاماتی تأسس ایتمش آتی آتیق بر عشرت دکاز که هر پادشاه وفاتنده بر فترت کرفتار اوللم. شوراسی موجب دقت و بالخاصه باعث مخزتر که پادشاه سز سلطان محمد رشاد خانک افکار علویه سنده و سلطنت عثمانیه نك تحلیص و ترقیسنی تأمین ایلجه کنده اوروپا افکار عمومیه سی اتحاد ایلور! « فیغارو » غزته سی بر وقوف تام و بیوک بر صمیمتله سلطان محمد رشاد خانی استمیانلر، سلطنت عثمانیه نك قورتلیمسی و مستحق و مستعد اولدینی سعادت و ترقی نی استحصال ایلمسنی استمیانلر اولدینی اثبات ایدیور.

خونکارک مخاطره حیات ایچنده بولندینی آکل-شیانجه آلمانیا غزته لرینک و بعض محافل سیاسیه نك وراثت سلطنت بختنه کیرشمسی و حتی هر درلو حقوق و اصولک خارچنده اوله رق برهان الدین افندی نك نامنی لسانه آلمسی انسانه حیرت ویردجک غریبه لر دن، دها دوشریسی عبد الحمید خائنتک آلمانیا به ویردیگی جرأت لر دندر. آلمانیا قیصری کندیسنک محب اسلام اولدینی هر فرصته بیان و اعلان ایدیور. آلمانیا امپراطوری امین اولسون که قلب کاه اسلام اولان استانبولده تبدل وراثت

خصوصاً برهان‌الدین افندیك نامی لسانه‌المق  
عالم اسلامیه اعلان عداوت در.

بزه امور داخلیه مزدن دها محرم اولان وراثت  
سلطنته قارشمق دنیاده هیچ بر دولتک صلاحیتی  
داخلنده دکادر. دیمک که آلمانیانک محب اسلام  
اولسی اسلامک تدیسندن و عثمانیلرک محوندن  
استفاده ایچون ایمش که برهان‌الدین افندیك نامی  
ذکر ایله عبدالحمید ظلم و تخریبک ادامه‌نی استیور.  
آلمانیایه تأمین تجارت ایچون قوجه بر سلطنتک قائلر  
ایچنده قلمسنة رضا کوستریور. غریب شی ! آلمانیایه  
ایمراطوری بیلدیز سراینه کیدیور، دولت عثمانیه به  
الک مضر شرائط ایله سندن بهدادشمندوفر امتیازینی  
آلیور؛ محب اسلام عنوانیه قدسده، شامده دوله  
شیور، خرسیتیانلی حمایه بهانه‌سیله الجزیردی بر آلمان  
مستلمه‌کی بیامغه قالدیشیور. بو قدرله ده کفایت  
ایمویب وراثت سلطنتکی اخلاقزده، روحزده  
کیرمش بر مسئله به کیریشدرک و یانه قاپولرینه قادر  
کیدن عثمانیلرک روح و قلبی ده بر آلمانیامستلمه‌کی  
یایمق استیور.

عثمانیلر ایچون فوق‌العاده شایان عبرت و مفعز تدرکه  
بو سفر عبدالحمیدک خسته‌نی ایله سلطان محمد شادک  
مملکتک تمیزی تخایص ایده‌جک بر پادشاه اولدی، و تبدل  
وراثت ایسه سوکیلی و ظمنزک دشمنلر انده محو  
ویغما اولنسنه سبیت ویره‌جکی تمامیه ظاهر اولدی.  
یشاسون سلطان محمد رشاد ! یشاسون وطن !

### مرض شاهانه

سلطان عبدالحمید بیك دورلو احتیاط طبی سایه.  
سند جمعه سلامقلرینه چیقه بیلیمکده در. فقط پادشاهک  
خسته‌لنی « براز صوغوق آلمش » اولمقدن عبارت  
کوسترن غزته لرك تبلیغات رسمیه لری خلافتنه مرض  
شاهانه‌نک بر دوام اولدوغی موثوقاً معلومدر. ۱۷  
اغستوس افرنجی به مصادف جمعه سلامقلرینه  
صوکره سفرای اجنبیه‌نک مجتمعا قبولاری حقنده  
ایدیان وعده رغماً هنوز هیچ بر کیمسه پادشاهک  
نزدینه قبول اولونماشدر. خصوصاً صورتده مراجعت  
ایدن سفرایه دخی جواب موافقت ویر یامه‌مشدر.  
غزته لره اهالی بی اغفال ایچون، وقتیه اراده‌سی  
چیقمش اوزون نظامنامه لره نشرنده دوام ایدیورلر.  
سهده ارباب بصیرت امور دولتک، عطا لره اوغرا دیغنی  
مشاهده ایتمکده درلر.

امراض شاهانه‌نک کثرتی جهتیله اجناس و انواعی  
حقنده بعض درجه تردد موجود بولمقله برابر  
هیأت عمومیه سنک دوانا پذیر اولدوغنده هیچ بر  
کیمسه‌نک شبهه‌سی قلمامشدر. سرای خلقنک مابینه  
تقرب ایدنلر جه مشهود فوق‌العاده تلاش و هیجانلری ده  
بو جهتی مؤیددر.

خلاصه، الآن امید نجات غائب اولمامشدر.  
تبلیغات رسمیه‌نک دیدیگی کی « له الحمد والمنة  
صغوقک تأثیری تماماً زائل » اولمه‌مهرق، مرض  
وعلت « هایون ملوکانه بر کمال بولنمشدر. »

### بر کتاب عبرت

مدحت پاشانک خمدوم نجیبی حیدر مدحت بک پدرینک  
حیات سیاسی‌سنة، خدماتنه. شهادتته دایر بر کتاب  
نشر ایتدی. سوفوقلک شکسیرک فاجعه‌لرینی او قو  
مشدم، هومرک فریادی ایتمش، دانتک جهنمی  
کورمشدم. بدبخت وطنه عائد اولدیغندیمدر؟ نه در؟  
هیچ بری قلبه بودرجه‌ده دوقونمدی. بو اثری  
مطالعه ایدرکن عبدالحمید ناینک جلوسندن صوکرده.  
کی وقایعه‌نی برقرار اولان و هر سطرده تزئید خلیجان  
ایدن قلب. کتابک نهایتده بوسبوتون طوره ق استیور  
بو کتاب ملت عثمانیه‌نک بر بکای ایدیسیدر. اوت  
ادوار مستقبله به باعث انتباه و کریه اولمیدر. مسئله  
مدحت پاشانک یالکیز ذاتنده، بیوکله‌کننده دکل !  
اوشخص علویده حمیتی، حق وعدلی، بوتون بردور  
تجددی عبدالحمید ایله اطرافنده کیلر نصل حسسمنز،  
تأثیرسنز، مصیبت انکیز بر لاقیدی، قاتلانه بر ذوق  
ایله محو و تخریب ایتمش. ایله بر محو و تخریب که  
ظالم‌لری یامز، خائنلر استه‌منز، قاتلر قییمز. دولت  
عثمانیه‌نک بقا و سلامتی اصلاحاته، تجده منحصراً  
قالدیغی بر زمانده عبدالحمید، مدحت پاشانی اغفال  
ایله دوش مسئولیتنده بر طاقم مواعید کاذبه اولدیغی  
حاله ماصلافتده کی کوشکندن قفسندن چیقان بر  
قپلان کی تخته آتلیور. اطرافنه باقیور، سینیور،  
هدف هجومی، پنجه خونخوارینه کپیرمک استدیگی  
شکاری؛ دور تجدد؛ ایکی قوت قارشو قارشویه کلیور.  
بری سرایک، دیکری عصر لردنبری سرایه قارشو  
بر نوع پارلمنتو حکمنده اولان باب نالینک! بو ایکی  
قوتک بری عبدالحمیدده دیکری مدحت پاشاده  
تمثل ایدیور. عبدالحمیدک انده اولان حکم و اقتدار  
ظالم، دنی، حیله‌کار! مدحت پاشانک کی عالی،  
صاف، فداکار! برنجیسی بیوک بر اردو ایله تحکیم  
ایدلمش، ایکنجیسی فکر ترقی و حریتک خلق آرده.  
سندو تعمیم ایتماسی جهتیله یالکیز دوشون ذهنلره،  
بر فرقه منوره‌یه منحصراً. مدحت پاشا اقوام عثمانیه.  
نی بر مقصده، بر منفعتنه، بر نقطه‌یه جمع ایله توحیده،  
حقوق انسانی‌یه، حریتی تأمیننه، و مملکتک مزده موجود  
اولان قابلیتلی، لیاقتلی، متانتلی بوتون بو عناصری  
ذکا و حیثیه استعمال ایدرک دولت علیه‌نی اورویا  
دولتلی عداینه ادخاله چالیشیرکن، دیکر طرفدن  
عبدالحمید قانون اساسی‌نی و سربستی مطبوعاتی تصدیق  
و ملت مجلسنی کشاد ایدرکن حریت، سربستی کله‌لرینی  
کتاب عامیه‌دن قالدیرمینی، وطن، ملت سوزینی غزته

لره یازدیرمایی، خفیه ژورنالریله ولایتلی برر  
منفا یایمینی، دو تنمایی غرق و محو ایتمکی، دولت عثمانیه  
نی فکر آک متدنی حکومات صغیره حالنه کتورمکی  
حاضر لیور. بو ایکی قوه مخالفه و معارضه بر برلریله  
چارشمنه باشلیور. عبدالحمید یواش یواش باب‌عالینک  
قوتی سرایه المق ایچون انتخاب و کلا حقی تمامیه  
کندیسنه حصر ایدرک مدحت پاشانک تنیب ایتده  
یکی صادق پاشانی رد ایله ادهم پاشانی التزام ایدیور.  
روسیه محاربه‌سی حاضر لمقده اولدیغی بر زمانده  
امور مالی‌یه‌نی اغفال ایدن مالیه ناظری غالب پاشا  
نک عزلیله حسابنک رؤیت اولغنی اصرار ایدن  
صدراعظمه قارشو مابین: غالب پاشانی اعیان اعضا غنه  
تعیین ایدک، حسابی کورمیک دیور. باب عالی ده:  
سوء تدبیری ایله امور مالی‌یه‌نی اغفال ایدن وقوایم  
تقدیه‌نک تنزیل قیمتته سبب اولان بر ناظرک حسابی  
رؤیت اولغنی اعیان اعضا غنه نصی مجلس اعیانک  
اهمیتی تنقیص ایده‌جکی سویلیور. محاربه شدتانیور،  
سرای تعرضه باشلیور. عبدالحمید، شاعر ضیا  
پاشانک بر مأموریتله استانبولدن تبعیدی اصرار  
ایتدیگی بر تذکره ده: «... اداره امور ایتملی  
بودر لو آدم لرك بورادن تبعادلریله حاصل اوله‌جقدر.»  
دیبه ارتق تبعیدلره، نفی لره باشلامق استیور. دیکر  
طرفندن ده اودور قصیریتده کوریلان حربستی  
مطبوعاتی محو ایچون مدحت پاشایه متصل: فلان  
غزته مدیرینک جزاسنی ترتیب ایدیکیز؛ فلان غزته  
نی فسخ ایدیکیز؛ مطبوعاته سوز سوز یولتمیکیز؛ مآلنده  
اراده لری یاغیور.

مدحت پاشا مدافعه ایدیور، موقعی، حیاتی  
تهلیکه‌یه قویه‌رق مقابله‌لرده، مجادله‌لرده بولنیور،  
صوکنده عبدالحمیدک فکر و نیتی اکلا به‌رق پاشاهه  
و بریدیگی تقریرده: «... بنای دولتی تعمیره چالشدیغمنز  
صرده سز عادتاً بیقیمق استیورسکیز!» حقیقتی  
سویلینجه سرایله باب عالی بر دنبره قطع مناسبات  
ایدیور. دهشتلی بر آن وزمان! کونلرجه عبدالحمید  
ایله مدحت پاشا قارشو قارشویه! برنجیسی دنائته،  
خیانتله، اردولره مسلح! ایکنجیسی حسن نیتله،  
وطن پرورلرکله، امید استقبال ایله مجهز!...

نه‌ایت عبدالحمید و طنک الک جان آله حق یرندن  
اورییور! بر حیلله ایله مدحت پاشانی سرایه جلب  
ایدرک عزالدین واپوریله ممالک عثمانیه‌دن اخراج  
ایدیور. عزالدین واپوری افقلره طوغری تباعد  
ایدوب کتدکجه مدحت پاشانک شخصنده نجات ملت،  
دور تجدد، امید استقبال حدود عثمانیدن چیقیور.  
اوکیجه استقبال غزته‌سی مدیری تئودور قصاب  
افندی و دیکر طرفداران حریت توقیف اولندیغی  
کی کمال بک حبس‌خانه عمومی‌یه نقل مکان ایدیور.  
شبهه یوق که مدحت پاشا، سلطان عبدالحمید

دکل حمید افندی به آلدانمش، و بریدیکی سوزلره، ایتدیکی عهد و بیمانلره اینانمش، مشهور قوصونک اوستریا ایمپراطورینه آلدانینی کبی ... مدحت پاشا بر عثمانلی پادشاهنک مملکتته خیانت ایده جگتی تصور آیده - مامش . بر پادشاه ظالم، مستبد اوله بیایر، لیکن خان اوله مز، بوکا تاریخ عثمانیده بر مثال اولدیغنی کورموش فقط بوتون بر مامک طالعه حاکم موقعدده بولمانلر، انسانلر حقننده پک نیکیبن اولمالمیدر. مدحت پاشا بر غلط خلقتی فکر ایله، منطقه، سوزله تصحیح ایتمک استه مش اکلا شلمیورکه هانکی قوته کوودنه - رک ییلدیزه « اولنیاوم » ویریور؟ فکر تجدد اربانک مملکتده هنوز قزانمده اولدیغنی قوه معنویه - بی عبد الحمیدک قوه ماده و ظالمه سیله مصادمه ایتدیرمک محقق بر تهلمکه دکلیدی؟ بو حالدده خاطر شو سوال وارد اولیور؟ اوله ایسه مدحت پاشا مدافعه و مقابله ایتیبوده سمید پاشالر، کامل پاشالر، رفعت پاشالر کی عبد الحمیدک اوشاغی و واسطه تحریجی می اولمایدی؟ کورنیورکه خطا عبدالعزیزک خلعتدن باشلیور. زمان ونجه فاجعه لر بزه اثبات ایتدی که سلطان عبد المزیزک خای وطن ایچون خیرلی اولدی.

بو کتابده « سلطان عبد العزیز بو اوچ سنه مدت ایچینده بر ربنی متعاقب دکشدردیکی آتی صدر - اعظمک هیچ برندن منون اولیور - بامامیل آرزوسی محمود ندیم پاشایه منطوف اولمغه ... » دینلیورکه بو انکار اولنه مز بر حقیقت ایهدر.

زوالی سلطان ناموس ووقار!

اونی تختنده تارمار و مجبور انخار ایدن بو خان محمود ندیم پاشا اولدی. سلطان عبد العزیز خلع ایدن قوت - که حسین عون پاشانک شخصندن عبارت اولدینی کوریلیور - عجبا پادشاهدن بر اداره مشروطیت آله مز میدی؟ آله حق اداره مشروطیتک بقاسمی محقق ایدی. زیرا سلطان عزیزک ناموسنه بوتون دنیا شهادت ایدر. مسئله خلع قرار - لاشدقدن سوکره مدحت پاشانک صدراعظم محمد رشدی پاشایه کوندردیکی تذکره اک مهم وثایق تاریخیندن اولدینی ایچون عیناً نقل ایدیور.

صدر اعظم محمد رشدی پاشا حضر تالرینه

« بوکون ینه حضور پادشاهیده دواک وملتک سلامت و سعادت احوالنه مددرس اوله حق اصلاحات جدیده ومنتظمه - نک اجرایی ایچون استرحامات متوالیده بولندم. بر مدت تفکر و تأملدن سوکره احوالک مشکلاتی اعتراف واصل - حاتک لزوم اجرایی تصدیق ایله قباحت محمود ندیم پاشایه عطف ایتدکندن بودفهمده طرف صدارت پناهیلرندن والده سلطان حضر تالرینه نصایح لازمه ایفا و تحت تعهد آله حق اولورسه تبدیل حرکت ایتمک خیرلی اولور. ذات حضرت پادشاهی به اولان شو معروضات عاجزانه حسین عون پاشا حضر تالردن مکتوم قالمی ایجاب ایده جکی جهتله اوکا کوره حرکت ایتمک رأی فخرانه لرینه منوط اولمغه اولیابده » مدحت

اگر مدحت پاشانک آرزوسی وجهله تبدیل حرکت ایدسه ایدی یو مکتوب ملتک برات نجاتی اولور و وطن عبد الحمید داهیه سنه اوغرا مزدی .

۲

عبد الحمید مملکتده باشلامق اوزره اولان ترقی طور دیردقدن و مدحت پاشایی اوردقدن سوکرا پاشا :

هرکه زخمی خورد البته فغانی دارد  
حقیقتنه بیله تبعیت ایتیور. حتی صدر اعظم ایکن عبد الحمیده قارشو باشلادینی محاربه بی ترک ایدیور. مدحت پاشا اوروپاده ایکن عبد الحمید عاينده تشبثانده بولنق دکل برسوزیله سویامیور. کورنیورکه مدحت پاشا عاشق ! خیال بی مثال استقباله، جسم نازین وطنه عاشق ! کوزلری طلوع ایددجک شمس اقبال وطنی کورمک ایچون آفاق دورادوره او قدر معطوف و منسوب که اوکنده کی اوچوروملر دو شو یور. حالبوکه عبد الحمید جنایت کبی قانلر ایچنده نمایان، فکر انتقام کبی اویلیق مدحت پاشایه باقیور، مدحت پاشانک وشخصنده کی دور مجدد و ترقی نک دوشدیک حاله منتقمانه وقاتلانیه بر قهرته شامت انکیز ایله کویلیور.

عبد الحمید معهود تشریفاتی کامل بکدن کویا مدحت پاشانک اوروپاده کی حالی سورییور، کامل بکده : « مکدر و پریشان بر حالده کشت و کذار واستقراضه یشامقده در. » جوابی ویرنجه « مبارک ورفیق قلب هایون اقتضاسنجه » عبد الحمیده « بکا » کویور. نه مدعش کتابه ! دیمک مرسلر اغلار. تمساحلر کولر، وولقانلر اطرافنه چیچکار صاچار، جانوارلر آجیرمش. بو قدرده دکل. احلاق وحمیتجه ناقص کامل بکه مدحت پاشا ایچون : « بیک لیرا عطیه ویرهم، بیچاره اغفال اولدی. » دیور.

مدحت پاشانک وجودی وطن ایچون فطرتک بر عطیه سی ایدی. هر بولندینی ولایتک تدابیر صائبه و عاقله سی سایه سنده وارداتی تزید ایتمش و بغداد والیلکننده ایکن ولایتک دکل جزیره العربده واردات دولنک ایکی مثلنه ابلاغی تعهد ایلمشدی. عبد الحمید اداره مشروطیتی، فکر حریتی، قانون اساسی بی محو ایتدکن یعنی مدحت پاشانک بخشایش خزان فکر و قلبی بتیردکن سوکره مؤسس مشروطیته بیک لیراعطیه ویرمکه قالدیشیور!

« بیچاره اغفال اولدی » سوزینه مدحت پاشا دیورکه : « نه اولمش نه پالمش که اغفال اولمش اولیم. سلطان عبد العزیزدن سوکره مملکه بر پادشاه لازم ایدی. حسب الاصول... » حقیقت آجی اولمقله برابر بر دوا، بر چاره در

اونک ایچون اعتراف ایتلی که بو سوزده عبد الحمید حقلی کورنیورکه مدحت پاشایی بن آلداتم، بکا آلداندی، دیور.

سلطان عبد العزیزدن سوکره مملکه بر پادشاه لازم ایدی، دینلوب کچلیور. فقط اصل مسئله بوراده سلطان عبد العزیز خلع ایدن قوت، پادشاهی ایندیر ماملی، ملتی حقوق وحریتیه اجلاس ایتلی ایدی. فکر نجات وحریت گذران زمان ایله بر حس ملی اوله رق قالدیدی، شیمدی به قدر بر دور مجدد حصول بولوردی.

مدحت پاشا، اویویک عثمانلی، اوعلی وطن پرور بو حقیقی سلطان عبد المزیزک خلعتدن اول کلابه - رق صدر اعظم رشدی پاشایه تأخیر حرکتک خیرلی اوله جفنی اشعار ایدیور. کتابک قسم اخیری بر مرثیه دلسوز وطن! بو عاجز قلم او قسمی بر مقاله مخصوصده تفسیر و تصویر ایله ماتم ایده جکدر.

### اجمال سیاسی

داخلی

کومروک رسومی - روم ایلی وسطی ( ماکدونیا ) تنسیقات مالیه سنه مقتضی مبالغت تدارکی وسیله سیله حکومت عثمانیه طرفندن طلب و تعقیب ایدیلن یوزده اوچ تزید رسوم تشیی، آلبرسورن مناقشات، صحیفه لر دولدوران مساعداتدن سوکرا، شوکو نلرده دول معظمه جه بالقبول موقع تطبیقه وضع اولونق اوزره بولونیور. فی الحقیقه. هنوز انکاتره حکومتی، تجارتک کثرتی جهتیه، تزاید مبعوثدن تحصیل ایده جک تقریباً ۷۵۰ بیک لیرانک ربعی و یرمکه مجبور اولان سیاست اخیره حمیده ایجانی استلا. نبولده دول ساژردن فنا معامله کورن سن جیمس قاینه - سی موافقت قطبیه سی، رضای اخیرینی بخش ایتدی. الان، ایلک کوندبری تعقیب ایتدی ممانت بولتیقه سنده دوام ایدیور. روم ایلی و سطاذه کی عساکر عثمانیه نک تقلیلنی ایستیه جک قادر مالایطاق تکلیف لرده بولونیور؛ فقط فکرینجه، تزید رسوم وسیله سیله برچوق مطالب قدیمه بی ترویج ایتدین انکاتر سیاستک بوسوک تکلیف لری صوک طلبری اولان آیدین دمیر بولنک انطالیه به قادر تمدیدی امتیازی سهولته استحصال ایچون مراجعت اید - یلمش ساده بر تهدیددن عبارتدر. امشاز مذکور بخش اولونور اولونمز انکاتره قاینه سنک ده، اوروپا هبات دولیه سندن آری قالیه رق تزید رسومی قبول ایده جکی ملحوظدر.

تجارت معاهده لری عقدنده دولتک متقابلاً بعض فوائد اقتصادی استحصال ایتلری اصول و قواعد جاریه دندر. معاهده بر آلیش و بریش دیمکدر. فقط، دول متمنه و حره اراننده کی بو آلیش و بریش طرفینک ساحه تجارتده یکدیگریه کوستر دکبری مساعده و مسامحه رسومدن عبارتدر. حالبوکه حمایه اصولی، رسوم نوعیه لوحه لرینی قبول ایله کم کارینی ابواب تجارتی کیف مایشاء آچوب قاپایان اوروپالیله قارشو، حکومت عثمانیه. حمایه و یاسر - بستی تجارتدن نکلیسنه توافق ایتدیکنی بیلمدیکز قیمت مختمه اوزرینه نابت المقدار کومروک اخدی اصولنده دوام ایدن حکومت حاضره، اوروپانک یوزده اوچ علاوه به موافقتلرینه عین دائره ده مقابله ایده مدکی ایچون دول معظمه به قوانین داخله سندن مساعدلر، حقوق سلطنتدن بارچهلر بخش ایدیور. بوجه دن اوله رق کومروکار دک بعض اوافق تفک رسوم لغو ایدلمشدر. تحلیل کیمیوی و پترول مخزنلری مسائلی اوووپالیلرک کیفنه تطبیق اولو -

دول حامیه بی تهدیدہ چائیدیلر. اہالی طاغلمہ، یکیدن عصیانہ چیقیدی. . . اتحاد، مطلقاً اتحاد، مطلقاً اتحاد، یونانستان ایله اتحاد طلب اییدیلدی.

دول حامیه کریدک یونانہ اتحافنہ معارض دکلدلر. بیاننا. مہلر نہکی اتحادہ متوجه موادده نو ارزودہینہ دلیلدر. فقط التتفاق مذکورک بردن برہ وقوعندن قورقارلر. چونکہ کریدک یونانہ ویریلیمی روم ایلمنک ضابطی ایچون بلغارلری ایقلاندیرمیق، بالقانی آلت اوست ایتمک دیمکدر. کریدک طالعی ما کدونیایہ مربوطدر. اورویاچہ مناسب کورولہجک بر زمانده ایکی مسألہنک بردن حل اییدیلہجکی مظنوندر.

باب عالی، دول حامیهنک بیاننامہسی اوزرینہ دولتلمہ فلا طونی بر اعتراضنامہ کوندرمکله اکتفا ایتمشدر. دولت عثمانیہ ارتق، امیدسز قالدان کرید مسألہسی کرید ایچون دکل روم ایلی ایچون کال دقت و اہمیتلہ تعقیب ایتملدر.

خارجی

ایران — دول عالیہ ایران، سیاست عمومیهسی دائرہ شرع ومشورته نقل ایتمک اوزرہ بولونیور. مظفر الدین شاہ، تبعہسنہ، رسماً بر مجلس مبعونان وعد ایبتدی.

قانون اساسی ایران، شاہ، مستبدک براحسان خیر خواہیسی دکادر. اونک استحصالی اوغورندہ، زمین وزمان خدمت ایتری؛ وکرانہا فداکارلقلر صرف اولوندی. ایران، بوکونہ قادار ادارہ مستبدہ کسرا پرورانده ازلییوردی. مأمورین راہ مستقیمی بیلمز، حکام شرع مبینی طائماز، دولت حقوق و سربستی مسلمینہ رعایت ایتردی. یدی سنہدن آرز بر زمانده یدی میلیوندن چوق دینار بورجہ کیریلدی.

ایران مستعد غلیان بو حالده ایکن روسیہ اختلال آتشفشانی ظهور ایتردی. اختلاللر برباد بر کردباد املدرلر. کہ، منشألرندن بر صوت تہلزلرژہ جهان ایله طاعیلرلر، اکثریتلہ متزلزل شواہق عالیہینی بیقارلر، قیرارلر؛ عالی بی دن، بالایی زیر ایدرلر؛ واکرینہ برقاف جہالت و عطا. لت چیقنچہ، قادار سیرانلییہ دوام ایلرلر. روسیہ-اختلالی، حکومت قیصریہنک ہزمت و خلجانی، مسلمین ایرانہ قوت بخش اولدی. ایرانیلرده پشیلرندہ مجتہدین حریت، قیام ایتریلر.

حکومت، بوسرای کندی حریتی قہر و تدمیرہ اوغراشدی مدرسین و مجتہدین حبسخانہلرہ القا، منقلارہ اسراً ایلیدی. فقط سوختکان علوم فدای حیات ایلہ زندانلر فتح ایتریلر، ورنہ الانییا علما وظائف ادارہلرینی ترک ایلہ (کوم) دہ (کر بلا) یہ یورودیلر. شاہدن مشہدہ شکایتہ روان اولدیلر. اہالی، خجستہ بر غیرت ایلہ پیشوالرینی تعقیب ایلیدی: مجلس شورا، محاکم عدلیہ، عزل عماد الدولہ، حریت محبس و منقا نشینان طلب اولوندی. . . شاہ، خستہ و دمبستہ، مشیر الدولہ بی صدارتہ پیوستہ و تشکیلات دولتی بر مجلس شورا ایلہ آراستہ ایلیدی. اسلامک بو ایکنچی شورای امت فی سعادت مسلمینہ بر براءت استہلال عد ایدرز.

موجود شورای ایران بر مجلس بای وکدا اولیہ جقدر. منتخبلر یالکزر میرزالر، مجتہدلر، بایلر و بازرگانلردن مرکب بولنہ جقدر. فقط موجود تقیصہ دار معدوم کلاتیپوردن افضلدر.

ہان، خیر اسلام ایچون دعا ایدمہ کہ اہالی ایران مشہور انام اولان خیالپوری، خدا دادلرلیہ، نوظلوع ہمت و غیرت لر یلہ بوجلس شورای امتی محافظہ یہ قدرتیاب اولسونلر!

ا.ف

نشریات جدیدہ

احمد رضا بک افندینک « وظیفہ ومسئولیت » عنوان عمومیسئی النندہ نشر ایلہ دکاری سلسلہ کزیدہ دن ایکنجیسی، عسکرلرک وظیفہ ومسئولیتندن باحث قسمی ساحہ آرای انتشار اولمشدر. ایڈینک آرزو بیورانلرک پرمشار الیہہ مراجعتلری توصیه اولونور.

مصدرہ طبع اولمشدر

بو افادہنک ضمنندہ طرابلسک جبراً ضبطی توصیه ایلمش اولہجفی بدیمیدر. کاواری، بیلہانی ضبطہ واشغالہ مصروف مساعی و نقود طرابلسک قوہ محافظہ ومدافعہسنہ تخصیص اییدیلسدہا عاقلانہ حرکت ایڈیلش اولوردی.

ہر حالده کرک استیلا، کرک تعیین و تحدید حدود آرزوسیلہ اولسون تشبث ایڈیان (جانہت) ویا (کوار) سفرنیک حیات عثمانی ایچون یکی بر عقبہ اولماسنی تمنی ایدرز.

بلغارستان — بلغارلر صحنہ فاجعاتلرینی واردار، اوستروما حوضہ لرندن بالقان اتکالرینہ نقل ایڈیلر، روم ایلیہ وسطادہ قتال اورویانک خوشنہ کیتہینچہ حدودلری داخلندہکی دشمنی ازعاچہ باشلادیلر.

آلان خبرلرہ کورہ بلغار اہالیسی بر چوق روم کویلرینہ تعرض ایدرک، اہالیسی قتل عام ومبانیسی محو و احراق ایلمشدر. التی بیکی متجاوز روم عائلہسنک ادرنہبہ التجا ایترکری بیلدیریلور.

باب عالی، روم بطریقنک تشویقی ایلہ حقوق متبوعینہ استناداً، مظالم مذکورہنک منع اجرائی ایچون بلغارستانہ بر بیاننامہ کوندردی. امارت بو تقریر رسحنی کان لم یکن عد ایدرک جواب ویردی: « باب عالی امارتک امور داخلہسنہ مداخلہ صلاحیتدار دکدر. داخل امارتدہکی یونان مظالمی، ما کدونیادہ بلغارلر علیہندہ ایقاع ایڈیان جنایات مدہشہنک نتیجہ طبعیہ سیدر. دولت عثمانیہ، کندی ممالکتندہ اعادہ اسایشہ حصر فکرایتسہ داہا ای اولور. » دیدی.

صوفیہ حکومتنک بو کستاخ جوانی اوزرینہ باب عالی اورویا مداخلہسئی طلب ایلیدی. بلغارستاندہ مدافعہ حقوق وادبستندہ بیاننامدلر نشر ایتردی. بو مجادلات، امارتک، دولت متبوعہسیلہ حسن آمیزشہ طرفدار اولدوغی ادعا اولونان استانبول مصلحتکنداری ناچوویچ اقدینک استعفا. سنہ سبب اولدی. پتروف — پتروف قاینہ سنک شواہدہ یک حربجو اولدوغی، حتی استانبولدہ و بلغارستاندہ سفیرلک دوشونولدوکی روایت ایڈیلور. بلغارلرک، یادشاہک خستہ لغندن وقدرتسز باب عالینک کوشککندن بالاستفادہ داہا بعض حرکت کستاخانہ یہ جرأ لری ماجو ظدر. معافیہ، روسیہنک روم ایلیہ وسطادہکی سیاست خفیہ سنک صوفیہ غزتہ لرلیہ نشرندن دولانی پتروسبورگ ایلہ قطع مناسبت ایتمش اولان بلغار حکومتنک بواشادہ بر حربہ تشبث ایتمی فکریمزجہ بیدیا لاحتمالدر. بونقطہ نظرندن اساساً حقارت کورمش باب عالینک، سیرتاً حقیر اولسہ بیلہ صورتا وزیر اولان نجیب ملحمہ بی برای عقد ائتلاف بلغارستانہ کوندر. مسی بو بوک بر کوچوکاک تشکیل ایدر.

ایران حدودی — دولت علیہ ایلہ ایران بیتندہ متحدث حدود مسألہسی ہنوز تسویہ پذیر اولمادی. مجادلہنک بدایت ظہورندہ، ایران حکومتی روسیہ وانکترہنک وساطت حکمیہ لرینہ مراجعتلہ باب عالی بی تہدید ایتمش واوندن صورت دوستانہ حل مسألہ ایڈیلہجکی وعدینی آمشدی. حال بویلہ ایکن عساکر عثمانیہنک یکیدن (مارغوار) ناحیہسئی اشغال ایڈیلکی وایرانک استانبول سفیری طرفندن بو خصوصدہ شکایت وقوعبولدیفی بیلدیریلور. باب عالی، ایران طور اغنہ تخطی ایڈیلدیکنی ادعا ایلمکدہ در. سینایہ، غانہ، تبریزہ دوغرو عین زماندہ واقع اولان بو یوروشلر. دن اکلاشیلیورکہ حکومت مشکوک بولنان نقاط حدودیہ سنی تعیین و ضبط ایتمک ایستہ یور.

بو، بر حرکت معقولہ اولابیلر. شو قادارکہ بو تشہلری حسن صورتلہ حاضرلاق و عظیم بر سرعتلہ حل ایلمک لازمدر. عقبہدہ مقصدی غائب ایڈہجک درجہدہ ایلریلہ یوب خجیل و حقیر اولتی پاسواندہ، حدود اوزرنہ دردنجی اردونی خستہ لقدن قیروب خراب ایتمک بو بوک بر اثر مہارت اولسہ کرکدر.

کرید — دول حامیہنک بیاننامہسی، ہر نوازشدن محروم زواللی کرید مسالہلرندن باشقہ کیمسہ طرفندن حسن قبول کورمہدی. اوبیچارہ لرکدہ سروری باسروری یاریم قالدی. اسلامک جزیرہدہ صوک ملجأ وپناہی اولان مزارلقہ چکککاری عثمانی سنجاغی بیلہ جبراً ایتریلدی. قرال یورکی بیاننامہ بی دیکلمک ایستہمدی. محدودی کورولتو ایلہ استغفایہ قالتیشدی. مأمورین ترک اشغال ایلہ

تشدیر. معادن نظامنامہسی اورویالرلہنہ تعدیل ایڈیلش، آبدین شمشدوفرنیک مدت امتیازی اون بش سنہ دہا تحدید اولونمش و ہپسندن فضلہ و فضولی اولہرق دیون عمومیہ ادارہسنہ یوزدہ اوج زیادہ رسومک عموم کورمہ. کردہ صورت استیفا وجبائی مراقبہ و تعقیب حق ویریلمشدر.

بو قادار مساعدات اوزرینہ مبعوث یوزدہ اوچدن استحصالی اولونہجق مبلغک نصفی روم ایلیہ وسطادہ صرف اولونتی اوزرہ اورویالی مراقبلرہ، ربمی دیون عمومیہ یہ ویریلہجکی کوز اوکنہ آلنیر و مذکور واردات روم ایلیہ وسطایہ کافی کلزسہ بودجہ نقصانک یہ مالیہ نظارتی طرفندن اکالی درعہدہ ایڈیلکی دوشو نولورسہ عناما. نلیلقہ بر فائدہ کبی کوزوکن بو مسألہنک بوتون عثمانیاتی ضرورینہ، یالکزر روم ایلیہ وسطایہ بر درجہ نافع بر موفقیات خریبہ اولدوغی ظاہر ایدر.

فضلہ رسومک استحصالی انکترہنک فوق الامول بر ممانعتی وقوع بولمادیفی تقدیردہ — ایلول رومینک ایلمک کوندن بدأ ایڈہجکدر. رسومات امانتی، تاریخ مذکور. دن اعتباراً ادخالندن یوزدہ سکر برینہ اون ر کورمروک رسمی استیفا سئی بالجلہ رسومات ادارہ لرینہ امر ایلمشدر. دول معظمہ بو ترایدی یالکزر یدی سنہ ایچون قبول ایلمشدر. حکومت عثمانیہ بومدہ موافقت ایتمش و فقط مدت مذکورہدہ یکی تجارت معاہدہ لری عقد ایڈیلہ مزسہ زیادہ مبعونہنک دوام ایڈہجکی جواباً بیلدیرمشدر.

حکومت حاضرہنک، تزید رسوم حقندہکی فعالیت، مسألہنک تفصیلاتی و برابرندہ سوردکدہ دیکی امتیازات نظر دقتہ آلدیفی حالده، اعتراف ایڈیلدیلمکہ شایان مدح وستایش بر موفقیات دکدر. بوتون بو مناقشات، بوتامی محظرات ویباناتدہ بوتون بو کشاکشہ بزی ممنون ایڈن یالکزر بر نقطہ وارکہ اودہ، حکومت طرفندہ ۲۱ جزیران تار. یخیلہ دولتلمہ اعطا ایڈیان بر نوطہدہ، مبعوث یدی سنہ طرفندہ یکی تجارت معاہدہ لرینک عقدینہ امیدوار بولونو. لدوغندن بحث ایڈیلر ایکن « ہیچ اولمازسہ بواشادہ قیمت تخمہ اصولی برینہ بر رسوم نوعیہ لوحہ سنک وضع ایڈیلہجکی » بیان وایما اولونمیدر.

الیوم، سربستی تجارت وحمایہ اصوللری مناقشاتک، بوتون بو مجادلات سیاسیہ واقتصادیہنک ہپسنک فوقندہ طائیلش، قبول ایڈیلش بر حقیقت واردرکہ اودہ، ادخالات رسومنک، مملکتک منابع ثروت و استحصالیہسی مناقضہ تطبیق و توفیق ایڈیلمشیدر. حکومت عثمانیہنک ولوکہ قولاً اولسون بوجہتہ عطف اہمیت ایتمی شایان تذکاردر. عثمانیاتی عصرلر سورن و ترقیات اقتصادیہسنہ ہیچ خدمتی دوقونمایان قیمت تخمہ اصولندن یزاردر. ایسترکہ، یتشدرہمدیکی، محتاج اولدوغی امتہ سربستجہ، سمولتہ ایاغنہ کلسین، و بوکا مقابل یتشدردیکی متاعلر رقابت اجنبیہدن قاسین و بوسکک بر سور، بر سور رسوم ایلہ حفظ وحمایہ اولسون!

طرابلس وینترلاندی — غزتہ لرک ویردیکی معلومانہ کورہ ۲۰۰ پیادہ، ۴۰ سواری ۳۰ ضبطیہ و ۱۰۰ قول اوغولندن و اون پارچہ طوپدن عبارت اولان (جانہت) مفرزہ سنک ہدف مقصودہ ایلریلمیہرک واصل اولدوغی محلدہ قالدی استانبولدہ طرابلس قہر ولایتہ امر اولونمشدر. شایانہ کورہ حکومت عثمانیہ ایلہ فرانسہ قاینہسی آراستندہ بو مسئلہیہ دائر بر مکالمہ باشلامشدر.

فرانسہ خارجیہ نظارتی. جزائر والی عمومیہسنہ مدت جزئیہ طرفندہ جزایرک طرابلسہ مجاور حدودینک تعیین و انبانی امر ایلمشدر.

بر میر آلالی قومانداسندہ ۴۵۰ نفر وایکی طوپدن مرکب بر ہجین سوار فرانسز مقرزسی جزایردہ واقع (تسہنین) نقطہ عسکریہسندن غانہ متوجہاً حرکت ایلمشدر.

ایتالیا خارجیہ نظارتی مأمورلرندن بری حکومتی طرفندن برای تدقیقات طرابلسہ اعزام ایڈلمشدر. موسی الہیک قونسلوتایہ تقدیم ایڈیلکی راپوردرہ طرابلس و بنغازینک یکی تعبیر موجنجہ، حلول صاحبپرورانہ ایلہ ضبطی قابل اولامیہجفی بیان ایڈیلکی اشعار اولونیور.